

PLANPROGRAM
REVIDERING AV KOMMUNDELPLAN
FOR
IDRETT OG FYSISK AKTIVITET 2017-2020

Versjon for offentlig høyring i planperioden 2. mai til 7. juni 2017.

Kommunestyret i Selje vedtek å legge ut planprogram for Kommunedelplan for idrett og fysisk aktivitet. Planen skal bidra til styring av satsing på fysisk aktivitet i Selje kommune. Høyringa skal mellom anna fastsette mål for planarbeidet og kva tiltak som skal prioriterast. Kommunedelplanen skal vere med på å skape eit godt samarbeid og god informasjon mellom innbyggjarar, frivillige organisasjonar og kommunen.

Det er særleg ønskjeleg at høyringspartane seier noko om tiltak. Med grunnlag i høyringa vil det verte utarbeida Kommunedelplan for idrett og fysisk aktivitet 2017-2020.

KVIFOR REVIDERING - OG RAMMER FOR PLANARBEIDET

Selje kommune har gjennomført revisjon av Kommunedelplan for idrett, fysisk aktivitet, friluftsliv og folkehelse. Den førre planen vart revidert i 2011. I samband med revisjonen i 2016-2017, har vi forenkla tittelen til «Kommunedelplan for idrett og fysisk aktivitet». Prioritert handlingsprogram rullerast kvart år.

Kommunedelplanen skal vere eit styringsverktøy for satsinga på fysisk aktivitet i Selje kommune. For at planen skal få ein slik funksjon, må den vere ei rettesnor for planmessig og samordna tiltak og anleggsutbygging både for kommunen og for lag/ organisasjonar. Planen skal vere eit grunnlag for revisjon av kommunen sin arealdelplan og økonomiplan. I tillegg skal planen vere retningsgjevande for kommunen og fylkeskommunen ved prioriteringar av søknadar om offentlig støtte til gjennomføring av tiltak.

Oppvekst ved driftsrådgjevar har hatt hovudansvar for revisjon av planen. Medlemmane i formannskapet er styringsgruppe for planarbeidet i Selje kommune. Arbeidsgruppa for revisjon av planen: Driftsrådgjevar, kulturmedarbeidar og deltakar frå planavdelinga. Kommunestyret er ansvarlege for å leie kommunedelplanarbeidet. Administrativt ansvar ligg hjå rådmann.

Det har vore invitert til eitt samarbeidsmøte med alle lag og organisasjonar som er relevante i høve kommunedelplanen. På møtet deltok også Atle Skrede, Rådgjevar, Nærings- og kulturavdelinga Sogn og Fjordane fylkeskommune, Ingrid Narum, Plan- og utviklingsleiar, Sogn og Fjordane idrettskrins og Elisabeth Dahle, FNF Koordinator Forum for natur og friluftsliv.

KVA SKAL VI OPPNÅ MED PLANARBEIDET

Kommunedelplanen skal vere med på å skape eit godt samarbeid og god informasjon mellom innbyggjarar, frivillige organisasjonar og kommunen.

Visjonen til Sogn og Fjordane fylkeskommune: **Fysisk aktivitet for alle** er den overordna målsettinga med planarbeidet.

«Det er viktig at så mange som mogeleg har ei positiv oppleving av eige liv og helse. Regionen vår har behov for at flest mogeleg bidreg i samfunnsutviklinga, og at færrest mogeleg treng hjelp for å meistre kvardagen. Fysisk aktivitet bidreg til dette og gjev auka livskvalitet.» (Regional plan for fysisk aktivitet, idrett og friluftsliv 2016-2019)

For Selje kommune vil vi konkretisere måla slik:

- ➔ Alle under 18 år i Selje kommune er fysisk aktive minimum 60 minutt kvar dag.
- ➔ Alle over 18 år i Selje kommune er fysisk aktive minimum 30 minutt kvar dag.
- ➔ Alle som bidreg til å gjere andre fysisk aktive, har god kunnskap om motivasjon og det å vere aktiv.
- ➔ Innbyggjarane i Selje kommune skal vere symjedyktige.
- ➔ Alle skal kunne finne fram og få glede av friluftslivet i Selje kommune.

FRAMDRIFT

Det vil bli lagt opp til høyringar med innspel i tråd med krava i Plan og bygningslova.

18. mai 2016: Samarbeidsmøte med invitasjon til relevante lag og organisasjonar i kommunen. Deltaking frå Sogn og Fjordane fylkeskommune, Sogn og Fjordane idrettskrins og Forum for natur og friluftsliv – innsamling av gode bidrag i kommuna sitt arbeid med revisjon av kommunale planar for fysisk aktivitet, idrett og friluftsliv.

Hausten 2016: Sikre arealmessig avklaring i kommuneplanen sin arealdel. Aktuelle temakart inn i arealdel av kommuneplanen.

2.mai 2017: Formannskapet legg ut framlegg til planprogram, varsel om oppstart og kunngjering av planarbeidet - gjort tilgjengeleg på www.selje.kommune.no. Innspel og fråsegner sendast til Selje kommune, 6740 SELJE. Frist for uttale 7. juni 2017.

15. juni 2017: Formannskapet vedtek planprogrammet - gjort tilgjengeleg på www.selje.kommune.no. Innspel og fråsegner sendast til Selje kommune, 6740 SELJE. Frist for uttale 27. juli 2017.

31. august/ 14. oktober 2017: Formannskap/ kommunestyret vedtek Kommunedelplan for idrett og fysisk aktivitet 2017-2020.